



Niðurstöður skýrsluhaldsársins hjá mjólkurframleiðendum 2022

Niðurstöður skýrsluhaldsársins í mjólkurframleiðslunni 2022 hafa verið reiknaðar og birtar á vef Ráðgjafarmiðstöðvar landbúnaðarins, www.rml.is. Hér verður farið yfir helstu tölur úr uppgjörinu.



Guðmundur Jóhannesson.



Sigurður Kristjánsson.

Þeir framleiðendur sem skiluðu einhverjum, en þó mismiklum, upplýsingum um afurðir kúa sinna á nýliðnu ári voru 507 en á árinu 2021 voru þeir 517. Niðurstöðurnar eru þær helstar að 25.031,9 árskýr skiluðu 6.313 kg nyt að meðaltali. Það er afurðaminnkun um 23 kg/árskú frá árinu 2021 en þá skiluðu

25.382,8 árskýr meðalnyt upp á 6.336 kg. Þetta eru þó einar mestu meðalafurðir frá upphafi vega og sjöunda árið í röð sem þær ná yfir 6.000 kg eftir árskú. Umreiknaðar í orkuleiðréttu mjólk (OLM) eru meðalafurðir síðasta árs 6.527 kg/árskú eða 17 kg minni en árið áður.

Meðalbústærð reiknaðist 51,2 árskýr á árinu 2022 en sambærileg tala var 50,0 árið á undan. Meðalbústærð reiknuð í skýrslufærðum kúm var nú 67,2 kúr en 2021 reiknuðust þær 66,8. Samtals voru skýrslufærðar kúr ársins 34.051 talsins samanborið við 34.553 árið áður.

Mestar meðalafurðir á Norðurlandi eystra

Svæðaskipting fylgir að segja má kjördæmum. Á árinu voru mestar meðalafurðir á Norðurlandi eystra, 6.387 kg, og síðan kemur Suðurland með 6.361 kg.

Stærst eru búin að meðaltali á Austurlandi, 53,3 árskýr, en næststærst eru þau á Suðurlandi, 52,9 árskýr.

Meðalbúið stækkaðeins

Meðalbúið stækkaði milli ára þrátt fyrir samdrátt í innleggi mjólkur en í takti við fækkun innleggsbúa. Meðalinnlegg á bú með innlegg allt árið nam 298.655 lítrum samanborið við 288.088 lítra á árinu 2021.

Á sama tíma fækkaði innleggsbúum mjólkur um sextán og voru kúabú í framleiðslu 496 talsins nú í árslok 2022. Í ársbyrjun fækkaði þeim enn en fjögur bú hættu framleiðslu um áramót og í upphafi árs lögðu því 492 bú á brattann. Sú þróun að búunum fækki og þau stækki er því enn í fullum gangi og ekki séð fyrir endann á henni. Viðbúið er því að mjólkurframleiðendum fækki enn á komandi vikum og mánuðum.

Mikil vanhöld á kálfum

Vanhöld kálfa eru enn með þeim hætti að illa verður við unad. Einkum er þar um að ræða gríðarmikinn fjölda dauðfæddra kálfa við fyrsta burð en fjórði hver kálfur undan 1. kálfs kvígum fæðist dauður eða 24,9%. Þó þetta hlutfall hafi lækkað aðeins milli ára er þetta ástand allt annað en eðlilegt. Þrátt fyrir rannsóknir og athuganir á orsökum þessa hefur engin ein ástæða fundist. Fyrir dyrum stendur rannsókn í samstarfi Landbúnaðarháskóla

Íslands og RML þar sem reynt verður að greina hvort um erfiðapátt geti verið að ræða. Tekin verða sýni úr dauðfæddum kálfum til arfgreininga og mun þá koma til samstarfs við bændur. Það kæmi undirrituðum mjög í opna skjöldu ef bændur yrðu ekki fúsir til samstarfs um þennan þátt en reynslan hefur sýnt að bændur bregðast ætíð vel við þegar leitað er eftir samstarfi um hina ýmsu þætti.

Aldur kvígna við fyrsta burð mjakast hægt og bítandi niður á við, er nú 27,2 mánuðir. Þetta er of háur aldur og enn og aftur bendum við á að allar rannsóknir og athuganir sýna að hagkvæmast er að kvígurnar eignist sinn fyrsta kálf í kringum 23-24 mánaða aldur. Eftir allan þann tíma sem við höfum haldið þessu á lofti er kominn tími til aðgerða. Látið kvígurnar bera 24 mánaða!

Sparinautin, þau naut sem standa í stíum bænda um allt land, á að nota sem slík. Af fæddum kálfum á árinu 2022 voru 31% undan sparinautum. Það sama á við um þetta og burðaraldurinn, við höfum margsagt að spara eigi þessi naut og sæða sem allra flestar kúr og kvígur. Ástæðuna vita allir. Nú, þegar erfðamengisúrval er orðið að veruleika, er mikilvægara en nokkru sinni að notfæra sér sæðingar og þær miklu erfðafarfarir sem þær bjóða upp á. Úrval toppnauta í kútum fjjótkæna hefur aldrei verið meira eða betra en nú.

Mestar meðalafurðir á Stakkhamri á Snæfellsnesi

Á árinu 2022 reyndust kúr Laufeyjar Bjarnadóttur og Þrastar Aðalbjarnarsonar á Stakkhamri á Snæfellsnesi með mesta meðalnyt eftir árskú eða 8.910 kg. Hér er höggvið nærri Íslandsmeti Brúsastaða í Vatnsdal frá árinu 2016 sem er 8.990 kg/árskú. Á Stakkhamri er legubásafjós með mjaltþjóni sem tekinn var í notkun veturinn 2021-22. Ekki er annað að sjá en kúrnar kunni þeirri breytingu vel en afurðir á búinu jukust um 845 kg/árskú milli ára. Þetta er í annað sinn sem Stakkhamar skipar efsta sæti lista yfir afurðahæstu bú á einu almanaksári en árið 2006 varð raunin einnig sú. Þá skiluðu kúrnar þar 7.896 kg mjólkur/árskú sem á þeim tíma var Íslandsmet.

Annað í röð afurðahæstu búa landsins er bú sem skipaði fjórða sæti þessa lista á árinu 2021. Þetta er Dalbær í Hrunamannahreppi en rekstraraðili þar er Dalbær 1 ehf. Kúrnar skiluðu 8.672 kg/árskú sem er 300 kg meira en árið áður. Í Dalbæ hefur verið legubásafjós með mjaltþjóni um árabil og er búið vel þekkt í íslenskri nautgriparækt en þaðan eru t.d. hin kunnu kynbótanaut Laski 00010, Glæðir 02001 og Gyllir 03007.

Þriðja afurðahæsta bú ársins 2022 er búið á Göngustöðum í Svarfaldardal en þar reyndust kúrnar skila 8.596 kg mjólkur/árskú. Rekstraraðili búans er Göngustaðir ehf. Á Göngustöðum er nokkurra ára legubásafjós með mjaltþjóni og síðan það kom til nota hafa afurðir tekið stórstíggum breytingum. Milli ára jukust afurðir á búinu sem nemur 561 kg/árskú.

Í fjórða sæti varð bú þeirra Jónínu Einarsdóttur og Gísla Haukssonar á Stóru-Reykjum í Flóa. Kúrnar á Stóru-Reykjum skiluðu 8.507 kg/árskú á nýliðnu ári eða 186 kg/árskú meira en árið á undan. Á þessu fyrirmyndarbuú ársins 2022 er að finna nýlegt legubásafjós

Uppgjör fyrir tímabilið	Vesturland	Vestfirðir	Norðurland vestra	Norðurland eystra	Austurland	Suðurland	Landið allt
Fjöldi búa alls	70	13	86	121	18	187	495
Fjöldi búa með skil	70	12	84	121	18	184	489
Fjöldi kúa alls	3.467	370	4.463	6.388	993	10.075	25.756
Meðalbústærð, kúr	49,5	30,8	53,1	52,8	55,2	54,8	52,7
Fjöldi árskúa	3.342,1	393,4	4.321,6	6.278,6	958,8	9.737,6	25.031,9
Meðalbústærð, árskýr	47,7	32,8	51,4	51,9	53,3	52,9	51,2
Fjöldi 1. kálfs kúa	1.131	137	1.637	2.207	314	3.580	9.006
Fjöldi kvígna eldri en 24 mán	581	162	694	704	129	1.933	4.203
Endurnýjunarhlutfall	32,6	37,0	36,7	34,5	31,6	35,5	35,0
Hlutfall kúa með förgunarástæðu	100,2	84,9	99,0	100,0	100,0	99,8	99,5
Mjólkurframleiðsla síð. 12 mán.							
Meðalbústærð, innlögð mjólk	262.814	175.385	303.360	310.569	312.182	309.723	298.655
Mjólk/árskú	6.128	5.198	6.356	6.387	6.252	6.361	6.313
Fita kg	259	202	261	276	269	265	265
Fita %	4,23	3,88	4,10	4,31	4,30	4,17	4,20
Prótein kg	210	167	215	223	216	215	215
Prótein %	3,42	3,21	3,37	3,50	3,46	3,37	3,41
Kg OLM/árskú	6.363	5.096	6.480	6.738	6.565	6.534	6.527
Mjólkurnýting	93	93	95	96	97	95	95
Frumutala (reiknuð)	269	259	248	252	279	262	259
Mjólkandi kúr							
Dagsnyt/kú	16	13	16	16	16	17	16
Dagsnyt OLM/kú	17	13	16	17	17	17	17
Kjötframleiðsla síð. 12 mán.							
Kúr							
Hlutfall með sláturgögn	89,4	76,1	82,7	85,2	88,2	87,5	86,1
Flokkun	2,52	3,04	3,30	2,47	2,61	2,77	2,74
Dagar frá burði við förgun	260,2	336,8	273,4	245,6	298,8	259,7	260,9
Meðalþungi, kg	198,1	209,5	211,1	202,7	211,8	207,2	205,7
Heilsufar síð. 12 mán.							
Hlutfall með sjúkdómaskráningu	12,3	23,0	11,8	35,7	17,3	16,7	20,1
Kúr							
Fjöldi sjúkdómstílfella á árskú	0,17	0,35	0,17	0,50	0,23	0,24	0,29
Júgurmeðhöndlanir á árskú	0,05	0,09	0,08	0,11	0,05	0,08	0,08
Geldstöðumeðhöndlanir á árskú	0,01	0,05	0,01	0,02	0,04	0,02	0,02
Bráðadauði/slys á árskú	0,01	0,01	0,01	0,01	0,01	0,01	0,01
Kálfar							
Hlutf. dauðra og dauðf. við 1. burð	22,5	20,5	27,3	27,8	25,3	23,0	24,9
Hlutf. dauðra og dauðf. aðrir burðir	8,1	9,5	9,2	9,0	8,2	8,2	8,6
Hlutf. dauðra á 1-180 daga	3,3	3,4	4,0	3,7	3,4	2,2	3,1
Frjósemi síð. 12 mán.							
Dagar frá burði til 1. sæðingar	66,2	105,7	71,0	69,8	59,8	68,6	69,2
Meðalaldur við 1. burð	27,6	28,7	27,1	26,6	27,8	27,4	27,2
Hlutfall kálfa undan sæðinganautum	67,3	69,8	65,0	68,5	71,6	71,2	69,0
Ending							
Kúr							
Meðalaldur við förgun, dagar	1.884,5	1.896,4	1.867,6	1.839,1	1.972,5	1.880,5	1.871,2
Meðalfjöldi burða við förgun	2,92	2,65	2,88	2,93	3,03	2,93	2,92
Meðalæviafurðir fargaðra kúa	16.911,7	14.700,7	17.459,9	17.613,8	18.973,7	17.545,1	17.461,8
Annað							
Ný bú í skýrsluhaldi síð. mánuð	0	0	0	0	0	0	0
Bú sem hættu í síð. mánuði	0	0	0	0	0	1	1

Ársuppgjör afurðaskýrslu nautgriparæktarinnar 2022.

Heimild og töflur / Ráðgjafarmiðstöð landbúnaðarins

með mjaltþjóni. Fimmta búið í röð afurðahæstu búa ársins 2022 er gamalkunnugt á þessum lista. Bú

þeirra bú Guðlaugar Sigurðardóttur og Jóhannesar Eybergssonar á Hraunhálsi í Helgafellssveit hefur

oftsinnis áður komið fyrir meðal afurðahæstu búa landsins og árið 2022 er engin undantekning þar á.

Kýr	Árið 2022		Prót- ein	Fita	Bú
	Faðir	Árs- afurðir			
1665491-2106 Fata	12090 Sjarmi	14.739	3,29	3,40	870909 Skáldabúðir 2
0797 Stella	1441011-0494 Bessi	13.651	3,19	4,04	550104 Tannstaðabakki
1112	11051 Roði	13.578	3,30	3,49	871058 Hrepphólar
0273 Snotra	08041 Sigurfari	13.569	3,23	4,49	651150 Ytri-Villingadalur
1639761-0882 Ófeig	11023 Skalli	13.485	3,52	3,58	870650 Stóra-Ármót
1601161-0555 Lúsý	09003 Gustur	13.251	3,36	3,76	770190 Flatey
614	359	13.246	3,37	4,32	761412 Núpur
1665491-2131 Bella	13011 Jörfi	13.212	3,48	3,75	870909 Skáldabúðir 2
0775 Ísey	10081 Úranus	13.204	3,25	3,96	860326 Skíðbakki
2466 Bettý	2164	13.138	3,25	3,63	860718 Lambhagi
0928 Skvísa	818	13.127	3,14	3,26	560112 Brúsastaðir
0912 Valkyrja	0803 Blámi	13.070	3,60	3,73	570930 Efri-Ás
1461571-0481 Harpa	10081 Úranus	13.035	3,09	4,13	570624 Réttarholt
2457 Hríð	15040 Gnýr	13.033	3,36	4,01	860718 Lambhagi

Afurðahæstu kýrnar árið 2022. Hér birtast kýr fyrir ofan 13.000 kg. nyt.

Uppgjörssvæði	Bú - árslok 2022	Skýrsluhaldarar	Fjöldi árskúa	Afurðir kg/árskú
Vesturland	370132 Stakkhamar 2	Laufey og Pröstur	57,4	8.910
Vestfirðir	460128 Hvammur	Ólöf og Valgeir	38,0	7.706
Norðurland vestra	570508 Daufá	Efemía og Egill, Daufá	51,2	8.264
Norðurland eystra	650228 Göngustaðir	Göngustaðir ehf.	61,6	8.596
Austurland	761412 Núpur	Björgvin Rúnar Gunnarsson	113,2	7.637
Suðurland	871077 Dalbær 1	Dalbær 1 ehf.	60,3	8.672

Afurðahæstu kúabúin eftir landshlutum. Uppgjörssvæðin eru nú sex.

Kýrnar þar mjólkðu 8.477 kg/árskú. Hraunháls sker sig úr að því leysi að þar er að finna básafjós með rörmjaltakerfi. Sjötta afurðahæsta bú ársins 2022 var svo bú Guðrúnar Marínósdóttur og Gunnars Þórs Þórissonar á Búrfelli í Svarfaðardal en það skipaði efsta sæti þessa lista árin 2020 og 2021. Á nýliðnu ári skiluðu kýrnar á Búrfelli 8.374 kg/árskú en á búinu er nýlegt legubásafjós með mjaltþjóni.

Þessum búum til viðbótar náðu tíu bú yfir 8.000 kg meðalafurðum eftir árskú eins og sjá má í meðfylgjandi töflu. Það er einu bú færri með yfir 8 þús. kg meðalafurðir en á árinu 2021.

Fata 2106 hjá Gunnbirni ehf. mjólkaði allra kúa mest

Nythæsta kýr landsins árið 2022 reyndist vera Fata 2106 á bú Gunnbjörns ehf. í Gunnbjarnarholti í Eystrihreppi, undan Sjarna 12090 og móðurfaðir hennar er Þrymur 02042. Fata mjólkaði 14.739 kg með 3,40% fitu og 3,29% próteini. Burðartími hennar féll nokkuð að almanaksárinu en hún bar sínum fimmta kálfi 29. janúar 2022.

Hæsta dagsnyt Fötu á nýliðnu ári var 55,6 kg og hún var enn í yfir 45 kg að áliðnu sumri eða um mánaðamót ágúst og september. Nú um áramótin var dagsnytin komin í 28 kg sem verður að teljast harla gott, 11 mánuðum eftir burð. Fata er fædd í júní 2015 og bar fyrsta kálfi 7. október 2017. Skráðar æviafurðir hennar voru 56.924 kg um síðustu áramót og á yfirstandandi mjólkurskeiði eru afurðir hinar sömu og ársafurðirnar eða 14.739 kg mjólkur.

Önnur í röðinni á nýliðnu ári var Stella 797 á Tannstaðabakka við Hrutafjörð, undan Bessa 494 og því sonardóttir Myrkva 14007. Stella mjólkaði 13.651 kg á árinu með 4,04% fitu og 3,19% próteini. Hún bar sínum öðrum kálfi 22. desember 2021. Hæsta skráða dagsnyt Stellu var 45,3 kg og um nýliðin áramót var hún enn í kringum 20 kg. nyt. Stella fæddist 14. október 2018 og átti sinn fyrsta kálfi 26. nóvember 2020. Skráðar æviafurðir við lok síðasta árs voru 20.575 kg mjólkur.

Þriðja í röðinni árið 2022 var kýr númer 1112 í Hrepphólum í Hrunamannahreppi, undan Roða 11051 og móðurfaðir er Slagur 14082. Þessi kýr mjólkaði 13.578 kg á árinu með 3,49% fitu og 3,30% próteini en sínum öðrum kálfi bar hún 20. febrúar 2022. Hæsta dagsnyt hennar var 51,3 kg og hún var enn í 37,4 kg dagsnyt um síðustu áramót. Þetta er ung kýr, fædd á nýársdag 2019 og fyrri kálf sinn fram að þessu átti hún 14. febrúar 2021. Skráðar æviafurðir hennar um síðustu áramót voru 22.660 kg.

Fjórða nythæsta kýrin var Snotra 273 í Villingadal í Saurbæjarhreppi hinum forna í Eyjafirði. Snotra telst orðið til heldri kúa, fædd í nóvember 2010 og er því á sínum 13. vetri. Hún bar fyrsta kálfi 22. janúar 2013 og sinn 9. kálf eignaðist hún 22. janúar á nýliðnu ári. Nyt hennar á árinu var 13.569 kg með 4,49% fitu og 3,23% próteini. Snotra er dóttir Sigurfara 08041 og móðurfaðir er Ljúfur 05040. Hún fór hæst í 54,0 kg dagsnyt á árinu 2022 og skráðar æviafurðir hennar um áramótin voru 76.661 kg.

Fimmta afurðahæsta kýrin að þessu sinni var Ófeig 882 á Stóra-

Ármóti í Flóa, dóttir Skalla 11023 en móðurfaðir hennar var Bolti 09021. Ófeig er fædd 17. október 2018 og átti sinn annan kálf þann 16. nóvember 2021. Fyrsta kálfi bar hún 5. október 2020. Ófeig mjólkaði 13.485 kg á síðasta ári og hæsta skráða dagsnyt hennar var 47 kg. Um nýliðin áramót var hún enn í 25,6 kg dagsnyt. Nú um áramótin hafði Ófeig skilað samtals 24.038 kg mjólkur.

Alls skiluðu 158 kýr afurðum yfir 11.000 kg og þar af 45 yfir 12.000 kg. Árið 2021 náðu 143 kýr nyt yfir 11.000 kg.

Tvær kýr í hóp 100 tonna kúa

Á árinu 2022 náðu tvær kýr þeim sjaldséða árangri hérlendis að mjólka 100 þús. kg mjólkur á æviskeiðinu. Sú fyrri er Gullbrá 357 á bú Þorleifs Kristins Karlssonar á Hóli á Upsaströnd. Gullbrá er fædd á Hrafnstöðum í Svarfaðardal í apríl 2004 en var seld að Hóli sem smákálfur. Þessi kýr er dóttir Hvítungs 96032 og móðurfaðir er Klinton 1513611-0921 Búandasonur 95027. Gullbrá bar fyrst í október 2006 og ellefta sinni í júní á nýliðnu ári. Um áramótin síðustu stóðu æviafurðir Gullbrá í 102.557 kg. Hún er ákaflega sterkbyggð og endingargóð kýr, hlaut á sínum tíma 85 stig í útlitsdómi.

Undir lok ársins eða á u.þ.b. þriðja í jólum mjólkaði Bleik 995 á bú Péturs Friðrikssonar á Gautsstöðum á Svalbarðsströnd sínu 100 þúsundasta kg mjólkur og hafði um áramótin náð æviafurðum upp á 100.096 kg, Bleik er fædd 14. ágúst 2009 undan Grána 1528871-0890 Hersissyni 97033 og Stássu

873 Stássadóttur 04024. Bleik hefur borið tíu sinnum, síðast í janúar 2022 og hún á tal núna í apríl n.k.

Núverandi Íslandsmet í æviafurðum á Mókolla 230, dóttir Snarfara 93018, á Kirkjulæk 2 í Fljótshlíð, 114.635 kg.

Ár breytinga

Árið 2022 hlýtur að teljast ár breytinga í íslenski nautgripærækt. Tekið var í notkun svokallað erfðamengisúrval en með því er horfið frá afkvæmaprófunum á nautum og nautin koma til notkunar á grunni arfgerðargreininga. Þessi breyting þýðir að þau koma til fullra nota strax og þau fara að gefa sæði u.þ.b. 13-14 mánaða gömul.

Ekki þarf að fjölyrða um hvílik bylting þetta er og hvað erfðafarmfarir munu aukast stórkostlega, einkum með styttra ættliðabili. Áfram er og verður þó skýrsluhaldið kjölfestan sem allt ræktunarstarf byggir á.

Með erfðamengisúrvali er reyndin sú að gott og vel fært skýrsluhald er mikilvægt en nokkru sinni áður en tenging arfgerðanna við raunveruleg gögn er það sem skapar matið

eða spána um hið raunverulega kynbóttagildi gripanna. Þarna liggja því tækifæri til þess að gera enn betur, bæta reksturinn og hagræða svo um munar. Gott skýrsluhald er grunnur að góðri bústjórn og einn mælikvarði á gæði skýrslanna er t.d. mjólkurnýting.

Með því er átt við það hlutfall af framleiddri mjólk samkvæmt skýrslum sem skilar sér sem innvegin mjólk. Því miður er í mörgum tilfellum of mikill munur þarna á og vegljóst að allmörg bú geta bætt sitt skýrsluhald og/eða rekstur með því að minnka þennan mun. Þetta á við um bæði þau bú sem skipa efstu sæti afurðalistanna og þau sem neðar eru. Munum að gott skýrsluhald er gulli betra!

Mjólkurframleiðendum öllum, en ekki síst ábúendum á Stakkhamri á Snæfellsnesi, Gunnbjarnarholti í Eystrihreppi, Hóli á Upsaströnd og Gautsstöðum á Svalbarðsströnd óskum við til hamingju með glæsilegan árangur og þökkum gott samstarf á nýliðnu ári.

**Guðmundur Jóhannsson
og Sigurður Kristjánsson,
starfsmenn RML.**



www.byggd.is

TRAUST FASTEIGNASALA

☎ 464 9955 ✉ byggd@byggd.is

SKIPAGATA 16 ◊ OPÍÐ KL. 9-17 FÖS 9-16 ◊ F FASTEIGNASALAN BYGGD

VÍÐIGERÐI Í EYJAFJARÐARSVEIT



Til sölu er jörðin Víðigerði í Eyjafjarðarsveit í um 16 km akstursfjarlægð frá Akureyri. Á jörðinni stendur stórt einbýlishús á þremur hæðum, hlaða, votheysturn, fjós sem var fyrst byggt árið 1967 og viðbygging frá 2008. Lítið alifuglahús, fjárhús og hlaða við það sem stendur efst og nyrst af byggingunum. Einnig eru þar tvær véla og verkfærageymslur, neðst bygginga á jörðinni.

Stærð jarðar er talin vera um 200 ha. og af því ræktað land um 50 hektarar. Jörðinni fylgir um 235 þús. l. mjólkurkvóti, nú 45 mjólkandi kýr og 40 aðrir gripir í uppeldi Tæki sem fylgja skv. tækjalista sem má nálgast með því að hafa samband á skrifstofu



TIMBUR EININGAHÚS

Sími: 893 3022 einingar@einingar.is
www.einingar.is



Belti og undirvagnshlutir



Vertu vinur okkar á Facebook

Sími: 517-8240 - Súðarvogur 20 - www.eyjalind.is

Bú	Skýrsluhaldarar	Fjöldi árskúa	Afurðir kg/árskú
370132 Stakkhamar 2	Laufey og Pröstur	57,4	8.910
871077 Dalbær 1	Dalbær 1 ehf.	60,3	8.672
650228 Göngustaðir	Göngustaðir ehf.	61,6	8.596
870624 Stóru-Reykir	Gísli og Jónína	53,9	8.507
370179 Hraunháls	Guðlaug og Eyberg	26,0	8.477
650221 Búrfell	Guðrún og Gunnar	43,7	8.374
570508 Daufá	Efemía og Egill, Daufá	51,2	8.264
861037 Syðri-Hamrar 3	Guðjón og Helga	41,1	8.250
871024 Skipholt 3	Sæludalur ehf.	54,7	8.245
860292 Stóra-Mörk 1	Merkurbúið sf	39,9	8.146
871114 Drumboddsstaðir 1	Jórunn og Jón	62,2	8.105
550104 Tannstaðabakki	Guðrún og Óskar	49,9	8.075
871022 Kotlaugar	Kotlaugar ehf.	61,3	8.044
770190 Flatey	Birgir Freyr og Vilborg Rún	182,7	8.016
370103 Snorrastaðir 2	Snorrastaðabúið slf.	47,6	8.007
650720 Stóri-Dunhagi	Stóri-Dunhagi ehf	36,5	8.005

Afurðahæstu kúabúin árið 2022. Búin sem náðu 8.000 kg eftir árskú eru sextán en voru sautján árið 2021.

www.bbl.is